

p.119 line 4【**命欲終時見阿彌陀佛**】《佛說無量壽經》卷 2：「其中輩者…其人臨終，無量壽佛化現其身一光明相好，具如真佛一與諸大眾現其人前，即隨化佛往生其國，住不退轉，功德智慧次如上輩者也。」(T12,p.272,b24-c3)《佛說大乘無量壽莊嚴經》卷 2：「是人臨終，不驚、不怖、心不顛倒，即得往生彼佛國土。有無量無數諸佛世尊，稱讚無量壽佛功德名號，聞是法已，永不退於阿耨多羅三藐三菩提。」(T12,p.323,c1-4)

p.121 line 1【**世善上福凡夫人**】請見《觀經疏傳通記》p.897：-4+p.898：-3。
《佛說無量清淨平等覺經》卷 3：「諸欲生無量清淨佛國，雖不能大精進禪、持經戒者，大要當作善：一者、不得殺生，……十者、不得貪欲，不得心有所慳惜、不得瞋怒、不得愚癡、不得隨心嗜欲、不得心中中悔、不得狐疑。當作孝順、當作至誠忠信、當作受佛經語深、當信作善後世得其福。奉持如是其法不虧失者，在心所願可得往生無量清淨佛國。」(T12,p.293,a7-17)

p.121 line 2【**奉順六親**】請見《觀經疏傳通記》p.899：-2。「六親」：說法不一：(1)《老子》：「六親不和有孝慈。」王弼注：「六親，父、子、兄、弟、夫、婦。」(2)《管子·牧民》：「上服度，則六親固。」尹知章注：「六親，謂父母兄弟妻子。」(3)漢賈誼《新書·六術》篇，以父、昆弟、從父昆弟、從祖昆弟、從曾祖昆弟、族兄弟為六親。(4)《史記·管晏列傳》：「上服度則六親固。」張守節正義：「六親謂外祖父母一，父母二，姊妹三，妻兄弟之子四，從母之子五，女子之子六也。」(5)《左傳·昭公二十五年》「為父子、兄弟、姑姊、甥舅、昏媾、姻亞，以象天明。」即以父子、兄弟、姑姊、甥舅、婚媾、姻婭為六親。～《漢語大詞典》

p.121 line 4【**不曾見聞佛法。亦不解悖求**】請見《觀經疏傳通記》p.900：-4。
元照《觀無量壽佛經義疏》卷 3：「執勞侍奉，順色承志，故名孝養父母；儒教以為百行之本。推愛及物，博施濟眾，故云行世仁慈；儒宗以為君子之德。由生前積善，故臨終遇緣。」(T37,p.302,c3-7)

p.121 line 5【**第八門、臨終遇逢佛法**】請見《觀經疏傳通記》p.901：5～-1。
元照《觀無量壽佛經義疏》卷 3：「以善化人，眾所知識，知其道德，識其儀貌。法華妙莊嚴王云：善知識者是大因緣，即指妻兒為善知識。故知但能開導，不局

僧俗。國土樂事，如上依報及大小彌陀經所說。法藏比丘者，彌陀因名；昔為國王，遇世自在王佛，棄國出家，即於佛前發四十八願。具如大本。」(T37,p.302,c9-15)

p. 121 line 6【第九門】請見《觀經疏傳通記》p. 902：5。慧遠《觀無量壽經義疏》卷 1：「中輩三人有見不見。中上、中中。二人見佛。中下不見。以行劣故。問曰：大經宣說中輩一切見佛。此經何故有見不見？釋言：大經總相言之。從多說見。此經細分。故有不見。」(T37,p.184,a1-5)『第十九願』：《佛說無量壽經》卷 1：「設我得佛，十方眾生，發菩提心，修諸功德，至心發願欲生我國，臨壽終時，假令不與大眾圍遶現其人前者，不取正覺。」(T12,p.268,a29-b2)《佛說無量清淨平等覺經》卷 1：「佛言：八方上下無央數佛國諸天、人民、及蜎飛蠕動之類，諸生無量清淨佛國者，都皆於是七寶水池蓮華中化生。」(T12,p.284,a8-11)

p. 121 line -5【聞妙法悟羅漢】請見《觀經疏傳通記》p. 904。灌頂續法《觀無量壽經直指疏》卷 2：「問：孝養仁慈。為世出世之善基。大小乘之法本。況聞佛願。何但成小？答：厭苦心切故。速求無漏故。願先度自故。佛順本習故。法隨機解故。從小漸大故。」(X22,p.443,c24-p.444,a3)

p. 122 line 1【下輩善惡二行】《觀無量壽佛經疏妙宗鈔》卷 6：「第十六，下三品人造罪輕重，值緣得滅，為往生因。須知經意為易解故，以三業等惡滅，為下三品因，迴向凡小為中三品因，以大乘諸善為上三品因；此乃上下互相顯映為觀法境。若稱實觀，依義而說，大小善惡，逐迴向心、隨滅罪力，淺深階位各論九品。今之三人，聞法稱佛，雖業障滅，全未伏惑，位在名字，故屬下三。若滅罪心利，入別圓外凡，即中三品。能至內凡，即上三品。闍王悔逆，得無根信，是其類也。」(T37,p.232,a24-b4)【無根信】初不知恭敬佛、法、僧三寶之無根（無善根）者，後因蒙佛力而生起信心，稱為無根信。又造五逆極重罪，無善根可以解救，命終必趣無間地獄者，若慙重懺悔，更不重造，並淨信三寶成就信根者，亦稱為無根信。如阿闍世王。～《佛光大辭典》《大般涅槃經》卷 18〈20 梵行品〉：「無根者。我初不知恭敬如來。不信法僧。是名無根。世尊。我若不遇如來世尊。當於無量阿僧祇劫在大地獄受無量苦。我今見佛。以是見佛所得功德。破壞衆生所有一切煩惱惡心。」(T12,p.728,a2-7)